

CMYK

Published by Rev. Thangkhosiem on behalf of the Evangelical Synod Church  
Printed at: THAWN SAAU PRINTING WORKS, CENTRAL LAMKA.

Alak man ..... apat ..... ₹ .....  
**If undelivered pliz return to:**  
**ESC SECRETARIAT,**  
**Chiengkawmpang, Churachandpur,**  
**Manipur - 795158**

CHAMNA AW PHUNGVUKNA DING		
1.	Chief Patron	- ₹ 5000.00
2.	Patron Member	- ₹ 4000.00
3.	Diamond Member	- ₹ 3000.00
4.	Gold Member	- ₹ 2000.00
5.	Silver Member	- ₹ 1000.00

PIN

**Chamna Aw**  
(Evangelical Monthly)  
Regd. No. 64436/96  
E-mail: [7s7c7@gmail.com](mailto:7s7c7@gmail.com)




# Chamna Aw

SUOHPAT KUM 1986

Vol. XXIX

No. 13

April, 2015



2015 Kum thupi:  
KRISTA ISU LUNGTHIM NANGMAU ALE UM HEN  
Phi. 2:5

Editor: Rev. Thangkhosiem

# Chamna Aw

a sunga thu umte

- Editorial..... 01
- Kipahthu genna ..... 04
- Lalpa Isu migilote sika a thihna ..... 05
- Good Friday ..... 07
- Athi khah, Athokit tai ..... 08
- Cross a Isu veilam a thipa testimony 10
- Hukdamna ting khama  
gitloh lungheina ..... 12
- Halh in tho un Eden taikhuo avak!.... 15
- Maytyr! Maytyr ..... 16
- Evangelical ..... 17
- Hukdamtu Pathien ..... 19
- Ka zalenna Kross ..... 22
- CKKP Report ..... 24
- Pauchampih zingin ..... 26
- Tuilangkuol KKP Report ..... 27
- Shillong NSSU Teacher  
Training Report ..... 29
- Kristien insung leh vangsietna haw.. 30

## EDITOR ANA HITE

1. Upa Lalkhogin 1986
2. Rev. Khaigin Gangte 1987-2005
3. Rev. Lamkhawsat 2006-2013

**Vol. xxix No. 13**  
**April, 2015**

## EDITORIAL BOARD

**Chairman:**  
Upa Dr. L.S. Gangte, M.A. M.Phil.

**Editor:**  
Rev. Thangkhoiem M.Div.

**Asst. Editor:**  
Rev. K. Siemlien B.D.

**Associate Editor:**  
Rev. Khaigin Gangte B.D.  
Upa Paozalun B.A.  
Rev. L. Sata B.Th.

**Bible Study:**  
Rev. T. Kamgin Gangte M.Th.  
Evan. Paukhomang B.D.

**Contributing Editor:**  
Upa Th. Mangnul B.A.  
Rev. T. Kampu M.Th.  
Rev. Henkholien M.B.A.  
Pastor Khaitinthang B.Th.  
Evan. L. Minthang B.Th.  
Miss Chinboi MRE

**Circulation Manager:**  
Mr. Paubik, Secy. SEB  
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thusuoh cheng hi ESC Ngaihdan ahi vek khel pupoi. Article zikte'n a mawh a kipuok chiet ui.

## **DECLARATION** (Form IV (See Rule8)

Statement about ownership and other particulars of the Magazine,  
“CHAMNA AW”

1. Place of Publication : Thawnsaau Printing Works,  
Central Lamka  
Churachandpur - 795128,  
Manipur
2. Periodicity of  
Publication : Monthly
3. Printers Name : Rev. Thangkhoiem
4. Editor's Name &  
Address : Rev. Thangkhoiem  
Executive Director, ESC
5. Nationality : Indian
6. Address : ESC Secretariat,  
Chiengkawnpang- 795158,  
Churachandpur, Manipur.

Name and Address of individual who own the Magazine and Printers  
or share holders holding more than one percent of the local capital  
The Evangelical Synod Church  
Chiengkawnpang - 795158

Rev. Thangkhoiem hereby declared the particulars given above are  
true to the best of my knowledge and belief.

Sd/-

Dated: Chiengkawnpang  
The 23rd March, 2015

Rev. Thangkhoiem  
Signature of Publisher

chansak ta ngala' tin ana gen ahi.

### VIII. THIHNA LEH VANGSIETNA GAH:

1. Vangsietna leh Thihna'n ei muh sak chu – Eile ei ki etchiensak ahi. Job lawite theology kha chu bang asukhiela ahim? tih ahia, zie chu ei zawpuoi.
2. Vangsietna/Thihna ituok te hin – I maban ding lampi phazaw eo kawkmuh zel ahi.
3. Vangsietna'n – Pathien matchak deih um hidingin ei tat nel dim dem sek.
4. Lemg David in – Vangsiet na atuok lai khan naih takin Pathien a bel tinten sek.
5. Vangsietna/Thihna I tuok teu hi Pathien in I phatna ding ua ei guot sak ahi zawi.

Vangsietna leh Thihna te hi umlo thei ahi puoa, mi vangsietna a thawk pih le higunloa, gen viel viel I hih khak chun, mi vangsiet na chungah I kipak hi tihna hina. Ki thawkpih zawk hi I umna dingu Pathien guot ahi.

*Unaū, Simtu deihtak,*

*Zie Article vangsietna leh thihna thu hi kimlo taka zik himah leh , Bible tawh ana en khawm a, avel avel a, ana sim sek ding in ka hun chiel ahi. Lalpa'n hun vangsak taken.*

•••

### Kipah Thugenna

- Tuchung April 2015 Chamna Aw Issue hih Nalon Local Sapchuom in Rs. 3000/- pie a ahun sponsor uh ahi. Lalpa'n vangsak henla, achung uah Pathien min in kipahthu ka phuong ui.
- Pu. J. Soitinthang Gangte Shillong in, Missionary chawmna Rs. 3000/-pm a tuok ding in March 2015 apat ahunpie pantai. Pauchampih hitiu.

-Editorial Board

## Editorial



### NA GAM HUNG TUNG HEN (Matt. 6:10).

Lal Isu Krista Khawvel ahung lawhpen chuh Zie khawvela mihingte gitlohma zieka puksie tanung, Setan lalna nuoia umte cheng cheng tandawk ding leh Pathien lalgama puihlut kit chuh Pathien leh Lal Isu Krista lunghim pipen chuh ahi. Zie khawvel Setan lalna gam ahi Pathieh Lalgam ahungtun a, **Pathien lalgam puksa tundawk kit chuh Krista Lung thim ahi.** “**Zie lunghim Krista Isu a umsekkhah nangmau ah um hen.. Krista chuh.. Pathien tawbanga um leh Pathien tuka um chuh thil thaklah theihna angai puoa, Mihiemte banga hung piengin, Suok tawbangin akingainiema...thih chanpha athuzawpin ahungum ta a” (Phil. 2:5-8).**

**Pathien gam chuh bang tawbang ahi?** Luke 13:18-21). Pathien Lalgam thu ah Lal Isu ngeiin tehkalna chuom chuom tamtak amang hi. Pathien Lalgama lutna ding leh Pathien Lalgam kekletna ding ah bang bang apawimawh em? Zie khawvela mihingte leh khawvel ngei hi Pathien Lalgam ahih theihna dinga Krista lunggil leh asinsakna haw neu cha cha zil khawm hi tiu.

**Pathien Lalgam thuguk-** Mark 4:11. Pathien Lalgam chuh micheng cheng het mai theih chi ahi puoa, Lalgam a ding chun Thuguk lopitak auma, zie chuh “Nanghaw het vang phal ahia, pawlama mite ding in vang phal ahi puoi” tih ahi. Zie Van gam or Lalgam, thuguk chu Isu Krista mang a phuondawk ahi tai. Zie thu chuh ei haw kawmah phuondawk ahia, mi cheng cheng in ahe nailo ahi. Pathien Lalgam a lut theihna pen chu Lal Isu Krista a gitloh ngaihdamna leh Krista a hukdamna chuh ahi.

**Agam leh a diktatna chu hawl masa zawu un-** Matt. 6:33. Lal Isu sinsakna a chun Krista lunggil diktak chuh ahung kilanga, Pathien Lalgam thu leh Pathien diktatna chuh hawl masa chiet dingin sinsakna I chang chiet ui. Pathien diktatna leh lungsietna chuh Lal Isu Krista manga suklat ahung hi tai. Agam leh a diktatna chu bangti hawl ding ahi die? Pathien Lalgam thuguk leh a diktatna cheng cheng chuh “**Mi diktat chun midiktatlo sikan a thuoka, a taksa ngei chuh thaha umin, thagau vang achun sukhinin auma; (I.Peter 3:18). Mi khat thuawih ziek khan mi tamtak chuh diktat**

**hung hin au,** Rome 5:19. Zie thu akipat ahi I et chun, Pathien lalgam thuguk cheng cheng muh leh chan theihna chu Lal Isu Krista ah aum hi tih akichien hi.

Pathien deihdan hawlna leh Pathien Lalgama thil umte hawla hinpih sangin, khawvel thil I hawlmasa zazu hi. Lalpa gam leh adiktatna I hawldawk tieng uleh thil dang cheng chu Pathien in I pawimawh ui tih ahe a; ei behlapsak ding ahi. Krista lugngil tak chu Pathien lalgam chu ngaihkhawk masakpen hi ding, khawvel thil haw chu abehlapna ding chauh ahi tih akimui. Krista'n lunggila ei deihsaak chu khawvel thil hiloin, Pathien lalgam thu ahi zawi tih a thaka hetchiet dingin a phai.

**Na lungheiun Van gam chu anai tai**-Matt. 3:2, 417. Lal Isu luggil leh atup leh deihtak chuh, mitin in lunghei a Krista hukdampa a pawm chu ahi. Lungheina telo chun Pathien Gam chu ei mau ah tung thei puon tin; lungheina lo chuh Krista lungput put theihna aum puoi. Tulai sapchuom lak ngei ahin lungheilo pienthakna hi atam mah mah tai kiti leh genval hilo ding ahi. Mitin lunghei chuh Krista deihdan aha; zieban a chun, gitloh lungheia Krista pawm dinga mite thuhilh leh sinsak chuh Sapchuoma gingtute lunggil leh lungput ding dan chu ahi.

**Pathien Lalgam alut theilo hiel dingte chuh,** Johan 3:3. Pienthakna neilote chuh Pathien gam mutheilo ding, chang theilo ding ahi. Mi kuole tui leh Thagau a apienthakloh chun Pathien gam lutthei puon au. Pienthakna leh kithenna telo a Vangam lutguo tamtak auma, amah a kithenna gen ding neilo helo tamtak aum a, mahleh Van gam alut kinem tho tho le aum theih hi. Taksa a pienni I nei chiet a, zieuol mah a chuh, Thagau a pienna neih kit angai hi. Isu lungput chuh, mi kuole tui leh Thagau a a pienthak ding chuh alunggulh ahi. Mite chun tui leh thagau a pienthakna chuh alunggulh pen ahi puoi.

**Mi gilote chuh Pathien gama lut theilo ding ahi.** I.Kor. 6:9-10. Pathien Lalgam achun mi diktatlot chuh um theilo ding ahi. Tulai hin chuh Sapchuom sung ahin diktatlo tenle mun aneiin, dinmunpha pha sapchuomin apie mai thei;

- **Mi diktatloten van gama mun him him neilo ding ahi.**
- **Kideihchak nuomten Van gama munneilo ding.**
- **Milim hoten van gama mun neilo ding.**

MILIM PATHIEN TE'N : Amite alungsiet puoa, athawkipi puoa, Sielpi guoh thawk in athuok ua, asiet lawh sek ui.

EI PATHIEN HING CHUN : Inkuon te'n a venga Inkuon tin a enkawla, Bangkim a guonggalh saka, gawt mun chieh lo ding in eitan dawk ahi.

**JOB in – 13:3:** Apienni a dema, Bangzieka sul apata ei ladawk na him? Ka pienni chu sapsiet in um hen tin, Mahleh atawp in – Lalpa, Ahechien – Bangkim Pathien guot vek ahi a, Na thu hi zel hen, kaki ten a kakisik ahi (42:6) ti'n aki phuong ahi.

#### IV. THI DINGA KI GUONGGALH NA:

Mitin hi thi mai ding in I kiphal puoa, mahleh thih masawm chiet ihi zing ngal ua.

Thuching khat in : “Kum 100 damding in na sem inla, zinga thimai ding guolin Paucham in” atii

Bible chun – (Thuching 27:1) “Zinga ding bangmah ngaihtuoh kin” Zie ni chun bang ahun pawtpih ding na he puoh ngal in” tin.

**Jacob 4:15 :** “Lalpa'n lem asak chun dam kating, Zie chu zie kha bawl ingka natih ding uh ahi,” tin agen.

**Ps. 90:12 :** “Ka damsung nite simdan ei sinsak in” ati ahi. Zie Bible chang haw hi ngaituoh zing hitiu.

#### V. LAL ISUN – THIHNA EI ZAWHSAK

Gitloh zieka thihna chu – Kross ah ei zawhsak, “ken Khawvel ka zo tai”. (John 14:19).

Zie thihna chu – Van gam kawt khak hawngtu ah ei siemsak ta ahi. Kalvary tang ah Jubilee dak akhen ahi. Lalpa chu pahchak in um hen.

#### VI. THIHNA UM ZIE THAK

1. Jn. 11:11, 1 Kor. 15:20 – Ipmu tin ei hilh.
2. Isai 33:24 – Damna tin agen.
3. 2 Kor. 5:4, Heb. 2:14 – Saltang pawtna tin ei hilh. Haleluija, haleluija...

#### VII. KAHNA GUOM APAT TUINAK THAK

- Inkuon kihehpina ziek in mithitui akiesek
- Zie mitthitui kal ahin, Tuinak thak ahung luong dawk sek. (Ps.84:6)
- Mitthitui hi – Lim-et phapen, Vangam kilat na pen chu ahi.
- David in (Ps. 30:11) “Ka mithi ngaihna chu kei din, lamna ah na

## KRISTIEN INSUNG LEH VANGSIETNA HAW

*Evan. L.Minthang*

Bible (Genesis 3:19, John 11:25)

### I. THIHNA UMZIE:

Thihna hi kin tak tak chinih – Bible ah I mua, (1) Taksa Thihna, (2) Thagau Thihna ahiu. Eden bawhsietna gah – Gitlohma zieka hung um chu ahi. (Gen. 2:17, 3:19, Ezek. 8:4)

Thagau Thihna : Pathien thupiek zuihloh zieka Pathien leh Mihing kizawp matna hung tanta gen chetna – kampau chuh ahi.

Eden bawhsietna hin : Taksa thihna le a kengtel ahi. (Jacob 2:26, gen.3:19)

### II. THIHNA HI INKUONTIN A AHI.

(Heb. 9:27) “Mihing a dingin khatvei thih guot ahi”.  
(Rome 5:14) “Inkuon tin chungah thihna’n vai ahawm zing ahi”.  
(I Kor. 15:26) “Melma nunung pen chu thihna ahi”.  
(I Kor. 3:22) “Zie thihna hi Pathien guot ahi”.

#### *Etsakna’n:-*

- (1) Kichen huna I kipak mah mah dungzui in, khat khata, ki sun tuoh zel ding I hiu tihhet khawm angai.
- (2) Malsawmna cha I neih hun a iki pak mahmah guolin-thikit mai ding ahih- akeng tel ahi.
- (3) Inkuon member zah zah chu – Lusunna ding I neih zah uh chu hin’a.

### III. ‘THIH HUN’ : Insunga thihna ahungtun tieng:

- Ahunlo hiel guol in I ngai seka.
- Naupan huna thihna atun tieng ahunlo I sa zela,
- Pa pen, Nupen athih tieng, I hethiem puoa. Pathien I awimawh vang vang sek, vangsie diek in I kingai sek uh ahi.

- Zawsaiten Van gama mun neilo ding.
- Hukte leh tawkohukten Van gama mun neilo ding.
- Guchate’n Van gama mun neilo ding.
- Mi huoihamten Van gama mun neilo ding.
- Zukham nuomten van gama mun neilo ding.
- Mi gensiet hatte chunle van gamah mun neilo ding.
- Lepguk chingte chun van gama mun neilo ding.

Zie a chung van gam alutlo dingte hi lutlo ding ahi tia gen zel hi Krista lunggil ahi.Zie gitlohma hih zingkawm te hukdam hito dinga gen chuh Krista lunggil ahi puoi.Ei mau in I lunghim un, gitlohma hihte le van gam kaitho dinga ginna nei I um thei nalai ui.Ahi migilote chuh van gam ah um ding ahi.Zie te chuh migilo lungheite a ding ahi.Lungheina neilo phawt chuh Van gama mun neilo, channeilo him him ding ahi.

**Pathien Lalgam chuh Diktatna leh Chamna ahi.** Rome 14:17.

Pathien gam chuh neklechak lam thu ahi puoa,diktatna leh chamna leh Thagau Thiengho a kipahna haw a hi zawi.Diktatna hi I gamsung leh Sapchuom a dinga I taksap pen uh hitan a kitileh genval hilo mai thei ahi. Dittatlohma khawvel a um I hi tau,Insung,Sapchuom, khawsung,Gamsung ah DIKTATNA aum nam? Mimal hinkhuo ah diktatna aum nam? Khawsung ah diktatna aum nam?Pathien Lalgam chuh diktatna a dingdawk ding ahih chun Diktatna chu apawimawh ahi.Khawvela didktatlohma chuh Nang leh kei sukdkbut aumlo thei a;mahleh Pathien chate I hihna zalun ei mau zawh theih tienga kipata diktatna chu ahung kipat apawimawh hi.Diktatna tello in Pathien lalgam chu ei mau ah tung theilo ding ahi.Ei mau sukdk phakloh ding diktatlohma haw chu kiselnan mang ta puoi tiu.

**Pathien lalgam chuh Chamna ahi:**- Lal Isu lunggil chuh Krista zala Pathien tawh mite akicham a, mihing leh mihing kikalale chamna Lalpa zal aum chuh a deihdan ahi.Gingtute laka kichamna aum chu Krista lunggil ahi.Kichamna deihlo I hih chun Krista lungpu ka hi tih theihna lampi umlo ahi.

**Thagau Thiengho a kipahna haw:**- Pathien lalgam a chun Pathien Thagau nasepna kipahpihna leh ngaihsanna chu aum tei ding ahi.Thagau

puihna leh thagau ngai a dangchakna neih chuh Krista deih lam ahi.Ni cheng a thagau puihna loin khawvel zawh theih ahi puoi.Mi tamtakte chu Neklechak a buoi, Pathien lam gelphalo khawpa kisukbuoi chu Krista lungthim ahi puoi.

Lalpa na gam hungtung hen tithei chiet dingleh ei mau leh sapchuoma Pathien Lalgam tunsak thei dingin Lalpa'n ei vangsak chiet hen.

•••

## KIPAHTHU GENNA

- Ahun : 23rd – 26th February, 2015.
- Amun : Maumuol, ESC Ho-In.

Amasapen in, Lopina leh limbawlna chengcheng Lalpa Pathien khuksak in umhenla. Pathien lungsiet navang leh lawiupa te deihsakna zalin, kanget ule hilo hielin Date 23rd-26th February 2015, hunsung kei uh Maumuol khuo ah Local Crusade mat ahi. Mi hunteng Pathien lama aki piekthak ziekun Pathien leh lawupa chungah kipahthu ka gen hi. Aziek chuh kei uh Maumuol khuo hih naupang tak tak ngen vaipuokna ahi a. A khuo min hile unau milongte kienga I gen khak leh, tuol khuot vang vanga nuiziengsek ahiu hi. Chapang ngencha vaipuoknaa musitlo hielo lawiupate panlakna zal a zietieng ahih lawhting ahih zieka, kipahthu kahun suklat ahi. A diekin a biel nei tu Rev. Mangkhokam, Evan. H.Lamgin, leh Speaker Evan. V.Lienthuom, amau cheng kipiek zawhna zala lawhting ahi tih le ka phuong a, Lalpa lopina chang hen. Kahihnau guoltaka ei-enloa, piting etkawla ei etkawl nachung uah amau chung leh E.S.C. Headquarter (Khukpi) chung ah Lalpa Isu min in kipahthu kahun gena. Chun, Chamna Aw a eisuohsakte leh ana sim khate cheng chung ale, na pauchamna chiet ua le eihun hezing un aw. Maumuol Sapchuom te hih kakipak tak zet ui.

*Sapchuom thasangin,*  
K. Lalsang, Secy., LCC. Maumuol ESC

## SHILLONG NSSU TEACHER TRAINING REPORT

Shillong Local NSSU Teacher Training date 19 – 22 February 2015 report thei dingin hun pha ei pietu Pathien min chuh pahchak in um hen.

Amau deihna leh netna dungzui in, Board of Christian Education in date 19 – 22 February, 2015 sung Teacher Training ding lemsakna dungzui in, Pastor Lalsiem tawh, Shillong Local NSSU Teacher Training ni nih sung neih ahi a, subject Teaching Method leh Child Psychology lak ahi a, unaupa, Pastor Lalsiem in Teaching Method ei laksak a, Pathien panpihna zal in, ahung gahsuoh ngei ka kinem hi. Zie ahin Teacherte tawh mi tawmngai khenkhat tawh mi 20 val a tel ua, dap thim ten lele tawmngai tak in a pang ua, a tawmngaihna zal un training zawh ahi.

Zie khel achun, nitak cheng leh mipite tawh Chanchinpha a kipawlkhawmna neih ahi a, Sunday ni pumplum in Sapchuomte tawh kipawlkhawmna le neih ahi. Sunday nitak in Pastor Lalsiem in ordination a chan nunga akhatveina dingin Sacrament ankuong luihna le ei neih sak hi.

Local nu leh pate kipiek zawhna hih neucha bek vak suklat ka ut ziekin, neucha hun sulang ing ka. Shillong Sapchuomte kiphalna leh

chanchinpha zala a kipiekzawhnateu hih ettawn tak leh ngaihsan aum takzet ui, tunna ale an ne manlo khawp in a deihsaknau ka chang ua, zie tawbanga a kipiekzawhnau leh a kiphalnateu haw hi Lalpa'n hun hungtung zela ale mite sawmdawl thei dingin vangsak zel tau hen.

Chuleh, Pastor Lalsiem chung ale adiek in Board of Christian Education thasang in kipahthu ka sulang kit hi. Amah kipiekzawhna leh a kuhkalna zal in zie training hi lawhting thei ahi. Zie training hi Teacherte adinga panthak lakna ahih tei ding leh tununga le naupangte ngaihkhawna zala panthak a lak ding danteu, Naupang etkawlna apawimawh dante, NSSU apawimawh dante tamtak muhdawk thakna pum in zie training hi kipak taka zawh ahi tai.

Lalpa'n simtute cheng vangsak chiet ta hen.

*Lalgama na seppih uh,*  
Rev. Khaitinthang,  
Director, BCE.

1. Lapawl ah Phaijang KKP leh Phaijang KKP ahi a, 1<sup>st</sup> ahi gelgel ui.
2. Bible – Single : Miss Mamy Muntha.
3. Inter-Bible : 1<sup>st</sup> Muntha, 2<sup>nd</sup> Phaijang.
4. Junior Pawl : 1<sup>st</sup> Muntha, 2<sup>nd</sup> Haran.
5. Primary : 1<sup>st</sup> Haran, 2<sup>nd</sup> Muntha.
6. Solo : 1<sup>st</sup> Nk. Tuoilo, Phaijang.  
2<sup>nd</sup> Mr. Khaicha, Haran.

A chunga hawhi tuchunga result haw chu ahi. Kipakpih aum ua akhel aban ale aphazaw ahawihzawa ahungpan zeluh deihsakna thule piek ahiu. Chun, zie khawmp hi tawh kituok tavang in, Pangem lamah lusunna aumziekin deihbangtakin a hunget theipouua khawk mahmeh na chungin, khawmp chieh nungak tangvalte'n le achangleh sunpih kawm zelin auma. A khuo neite Pangente thiemtheih na ziekin khawmp subuoilo hielin hunmat ahia. Amau chung ale kipak thu suklat ahi. Awle abawn chan genseg zo puoi ting un atnapi I vak taklat haw hi khuotuolte leh Khawmp chieh khawmte cheng felna ziek ahi tih I het uleh khuotuolte hi sapchuom ading a kipiek zohnau hi Lalpa'n tamtak in hun malsawm hiel mai leh tih deih sanna I pieu ahi.

Thutawpna dinga kipakpih um mahmeh, Khosabung apat a tangval nih Tukum Thupi zuoka hunge chung ah Thugen te hih hatlo tak, avan uh puoksak ngai ahiu a. Amau nih hi Rs. 20/30 ki pie henla Thugente tawh hungkitawn mai leu tia kagen lai un, amau nih hin, paisa nei piek ding u leh puopuongkau atih uhin hi kangaihtuohna a sukhaa keipuokding hileh khaih neuchabek eipiek beh tau-u? tidingin kakigingchai. Bielkhatin kisamhiela tiveng kati. Adiek in amau chuh phaigam a cheng paisa mat na tamna gama um ahiua, paisa neipiek ding u leh puopuongkau atih uhi, alopi kasa mahmeh maia. Phaigam ale tangval zietawbang hi um ahi tai maw!! Lalpa na asepna hi Lalpa'n thahtham dingin ka gingcha puo a. Lalpa'n amau pui zing ta hen. Report na hih akimlo, atinglo, bei puona; sukkhelhna cheng ki het mawh sakin adik cheng Lalpa'n ahawih zawn ei vangsaq tahen.

*Lalgama na seppih uh,  
Mr. Pautingo, Secy., TKKP.*



## LAPA ISU MIGILOTE SIKA A THIHNA

-(L) Rev. K. Thuomngell

“Amah chun I natnateu puo’n, I lungkhammateu le a paw ngeia, himahleh eihaw’nungkhamna sunkhuma um, Pathien gawt (zep) leh sukgimtheih in I ngai ua, Himahleh, Amah chu I bawhsietnateu ziekin sukliemin aum a, I manlohnateu ziekin zep thidup ina uma, I lungmuonna ding u a thununna chu achung ah akiea, akizepna gawlhhaw a sukdamin I um tau hi.” (Isai 53:4-5 MZ Bible apat).

Good Friday, kum chenga kimang sek hi bawhsietna, thu awihlohma zieka khawvela mi chengcheng chunga thihna tungta, hinna aneihkit theihna ding u a, Lungsieta Lalpa'n ahung thawkna leh Athihna hetzingna leh hetdawk thak kit zelna dinga Kristiente nichan pawimawh tak ni chu ahi. Ei tatdawknalopitak zieka kipahna ni, suoohchakna ni ahi ngei a. Himahleh, eisika Thuokpa haksatna leh gimtheih thawkna ni geldawk zelna ni ale I mat ngei dinguh hi'n alang hi.

Lalpa Pathien hun guot, a hunbi ahung tunin (Gal.4:4,5) tihna leh dan hanse nuoia umte tandawk dingin Pathien chapa chu Kalvari tangah thihna zahhuopen Krawsa khetdena, thah in aum hi. Eden huona Pathien thugen, Krista guolzawhna ding, Setan luchang

a zep thidupna leh “Zawh ahitai!” guolzawhna awchu kumsang tamtak nungin Kalvari ah sukguitun in aumtai. Pathien chu pahchak in um hen.

Lalpa Isu chungthu ahin, dakkal tawmcha sungin a chungchang thu genna (trial) hi ngaveivel umhi'n alang hi.

1. Ana kawmah puih in a um hi (John 18:13)
2. Kaiapha kawmah puihin aum kit hi (John 18:15-28). Zehi Sanhedrin maa avaihawmsakna ahi. Thiempu Lal chu Presiding Officer hi'n alang hi.
3. Zezawhchun Gamvaipuo, Governor Pilat kawmah puih ahi (Luke 22:1-5).
4. Zenung hin Herod kawmah puih ahi kit hi (Luke 23:6-7).

5. Pilat kawmah thutawp gensak dingin apui kitui (Luke 23:12).

Hiti a dakkal tamlocha sunga vaihawmtulien ziezah masanga apuih uhin, diklohnna neilo, a diklohnna hawl kawm, phuok kawm bek muhdawk ahihna dinga abawl uh hi'n alanghi.

Lal Isu chunga vaihawmna hi adiklo pumplum ahi veka, hilele, vak muh zieng theih a lang khenkhat ana taklang hitiu.

*Khatna achun:* Ana kawma puih ahi. Ana chu Thiempu lal haisa ahi. Isu chunga asietnading hawl mi, tulaia I gel guol ua genthei tak, politician tak ahih zieka, vaihawmna ding mun hitalo pia puih hi'n alang hi.

*Nihna achun:* Tuolthat, thi ngei ding Amah Midikpa sika thahdawka aumhi thildiklo ahi. A gitlohma leh thihna kham gitloh a bawlna muhdawk ahi ngal puoha.

Khawvak maa mi thihnading thu vaihawma, thutanna bawl chu Judeate dan in aphalloh ahi. A diklo chu I Lalpau chunga mat in aum hi.

Court lienzawa tut ahih nunga anezaw, Herod kawma sawla a um hi vaihawmna chiehdan hilo mawng mawng ahi. Herod court chu a neuzaw, thihna thutanna bawl theihna ahi puoh ngala.

Pilat in, "A diklohnna kamu puoi" tizingngala, diklohnabeい khetden dinga piek chu vaihawmna diklohiel ahi.

A dan uachun Hetpih lem hi zebang thihnadung chungthu genna ahi mat phalloh ahi. I Lalpau chungah amang ua, Amah panpih ding aumpuo.

Criminal case asawihna, zepna (torture) abawl uhi dankalhkei thil ahi. Achunga I genhaw lo hile a diklo tampi, apumhin tihtieih hi'na.

A chungthu diklo taka vaihawmsak ahih nungin Lalpa chu tuolthatte leh migilo pente thihna, Krawsa khetdenin aumtai. Ziehaw chenghi nang leh kei gitloh ziek vek ahi. A tatna leh ahukdamna lopi a nakipah bangin athawkna leh a gimtheihna, nang zieka athawkhi na gel tiengleh thasietum leh alungsietna letzie geldawkna'n namang na?

Lalpa Isu hi dakkal gup sung Krawsa khetdena um hi'n alang hi. A khetden patnau hi zinglam dak 9 vel hia gen ahi (Mark 15:25). Dak 12 sun laitak apata nitak lam dak 3 chan khawvel hung thim hi a gen ahi. (Matt. 27:45; Mark 15:33).

Gim haksatna leh zahhuoina tincheng thuoka Krawsa khetden ahih nungin athagau athahdawk taa. Tatna nasep, Edena Setan in bawla

## TUILANGKUOL KKP KUMTAWP KHAWMPI REPORT

*Ahun* : 15<sup>th</sup> – 19<sup>th</sup> January 2015

*Amun* : Phaijang

*Athupi* : NATHA HAT LAI IN CHIEH IN. (Judge 6:14)

*Speaker* : Evan.Paukhomang B.D., Secretary CKKP.

Amasan Ahungkit nading kinema ngakte chengcheng Lal Isu min in kalai natna chibai. Date 15<sup>th</sup> – 19<sup>th</sup> January 2015 Khan District HQ Phaijang ah Tuilangkuol Biel Kristien Khanglai Pawl te'n Khawmpi 35 veina lopitak leh kipak tak a mat zawh ahi tai. Zie hunsung hin Lapawl, Bible chang leh mimala Pathien pahchakna tami ngaihthak ahia. Malzin Tuilang gallam apatin Khanglai (80) sawmgiet vallam ahungua, atangdung ahih leh tunkim ni umchuomloin atawpchan in malzin achatlakpuoi. Kikhawpna hih atangpin 400-500 kal ahithimzinga. Zie tawbang khawmpi hi thingtanggam adin tulai dinmun etin alopi thanghuoihiel maile kasai. A khuodawhte Phaijang Sapchuom hi District Hq. le ahiua, aettawn tak un. Thamuon a um un Nu leh pa tak ahiu hi tih hile Sapchuom dangte'n le ana he sawn leu chin tin ka hun taklang hi. Chun thugenpa le amah kimuhdan khelin asermon na ah mitampi'n kipakpih leh ahatchuompih uh kinep aumhi. Chuleh Khanglai nungak I gama dinga muon um tawktak Nk. Sangthiem in a hun zuia, Anungak chanpih leh akhanglai chanpih tamtak tenle akipahpih un amah apat inle umdan chawndan leh lasak dan kilawm zaw tami ahetbehuh kinep aum mahmah hi.

Chuleh sapchuom upa te'n le Khanglai khawmpi hi lungsietna neitak kawmin a hunguop ua, Upate chungah kipahthu I phuong ui. Chuleh, D/S te Pastor te leh abiel a worker umsun sun tenle khawmpi hi ahung uop un, ahung kineih sak un, ahung sunuom mah mah ui.

Chuleh thu leh la ki elna haw ale. Kumdangsang in niemkiekna umzaw leh akilawm a, hilele kielna dinga kiguong chengcheng luohloh aum puoi. Ki elna haw:

## PAUCHAMPIH ZINGIN

MISSION CONFERENCE – 2016

### Athiltup :

1. *Khanglaite Missionary nasem dinga sapdawk ding , Khanglai tamtak in semman loa, muolliem ta !!*
2. *Sapchuom leh mimal tin inle, na lopipen sephih Ingah khawk ua, I sep theihna ding ua hunpha nunungpen ahih tak lele kisik lo ding khawp a sem dinga kisukhat thak na ding ahi.*

(Khuo chenga member 2tela, Missions & Evangelism Department te tawh Mission Conference dingthua Joint Meeting Date 6/3/2015 ESC Secretariat a neih ahi)

### ITHING MISSION COMPOUND FENCING

Kum 2014 apat khan Ithing Mission Field a gamgi hih siemfel ahih theihkhak leh tin, Mission Department in amun a te tawh buoipih ahia, kawt hung kihawng vangvang sek, hahpia hung kikhak zel in, mahleh theihtawpa paucham na aihet nungun, Lalpa'n kawt ei hawn saka 19<sup>th</sup> February 2015 apat khan – alem dan dana siemtup dingin, nasep pat kit ahi; Akal lak ah haksatna tamtak ummahleh tuhin akhawk diek cheng zawhin aum taa, Lopi na Lalpa chang hen.

Sum le pai a mawhpuo, neitu chan changa pan hunla ding in – Lalpa Sapchuom te : 1. D.Phailien 2. Phuoisanbung 3. Throiluok leh 4. Muolhoi mawhpuokna piek ahiu a; Amau inle theihtawp hunsuoh in, **Rs. 1,60000/-** vel senga akhawk diek na cheng zawh ahitai. Amun a ten kiphal takin tha leh zung, neih leh lam ahun tuok ua, sun leh zan in theihpatawp in apang ua, achung uah kipahthu suklat ahi.

Mistry I pawimawh mahmeh lai un Pu. Paumang Gangte-Veng, hin Missionary na kasep na ahi ti'n, asepman le laloin tawmngai takin ahung siema, Alawite mi-2 sepman le aniem theipena hisap sakin, theihtawpsuoh in pan ahunglaua, alopi ngei Lalpa'n lampi eisiem saka, na khawk tak vak semzo theia ium uhuh Mistry te ziek in Pathien kawm ah kipahthu um hen. (*Date 22 March 2015 (Sunday) in Synod HQ. Local Missionary Board te malak nan, Fencing thua kipah thugenna leh Baptisma Service Program thupi taka mat ahi.*)

mihiemte gitlohma zieka thihna um, mi chengcheng zie gitlohma chun a zelsuokte adingchun suohchakna lopi tak chu Krista'n ahun bawl tai.

Tandawkpa, Lungsiettu Lalpa kawm achun lopina leh chawihatna bangtik lai inle tatsate apat in khuksakin umtahen Amen.

•••

## GOOD FRIDAY

**G**ood Friday “kiti hih sapchuom chiehdan leh sapchuom hihna leh hun leh phat ana het zui deuhte dingin, gingtute dingin ziehun hi agunna leh aumzie athukzie hetngilh theihloh leh ngaihsakloh theihloh ahi. Ahihna tak leh anasep eitin hunvantang danghaw guola mat zauh vantang maimai dingchi ahipuoi. Gingtute hinnabul sukha, Kristien hinkhuoa hisel leh hiselloh, ginna lama hat leh hatloh hawhi ziehun hin nasa takin a kinga a, Krista thawkna leh thihna mumalam mangloa, a thawhkitna ahim, apiennalam vakmuhchetzieng chule thil kichientaluo vang hiloding ahi. Thingtanga mission school a naupangte khan simkha chiet ding ahiua, Good Friday muhdan Thakau leh Tunpi kikala I chung thalik laia Ziltawpni masapen chuh Good Friday kiti ahi tih ahi.

Chun, Lent” kiti hunkhat hi Good Friday nitak apat Easter Sunday zingkal chanin dakkal 40 sung (40 hrs) sunghi malai sapchuomite chun Annngawlhna, Isu Krista thawkna zieka lungkhamna leh a thawkna kikawppihna'n BC 3 vela Alexandria hunlai hapti thiengtho (holy week) ti'n zie annngawlh chuh anapan tauhi. Zie hun matdan leh thilhihtheihna hih gamchuom chuom ah matdan a kibang puoha, malai leh tulai hun hile kibangloding ahi. Tuhuna Protestant Sapchuom te hin vangchuh ziehun hih Krista thawhkitna dinga kiginlawkna leh Pathien hona'n amang sekui.

Zie huna Bible chang leh kikhawpdan hih atangpi vak sulang hitiu. Isu matsaka aum apat Krossa khetdena aumtieng thusim Bible apat simsuk sekding. Krista thawkna tawh Kristiente kizawpmatna (relationship) lampang genuora, Kristien hinkhuo sukdetna hunkhat ahi. Zie hun hileh Krista a dingin banga kahihtheihding; Krista a dingin bang thilpha ka semdawk theidem? Adiktak in, gingtute hi Krista ei hukdamna ditkitding hi I mawhpuokna lienpen uh ahi. Hukdam I hihniu apat Krista thisan manbat dindinga I kisaka, Amah deihbang hinkhuo I neih guot chiet

ding hi Krista thawkna leh thihna apat gingtute mawhpuokna liengpen ahitai. Laphuoktu khat chun,  
*"Lalpa hun dit ka nuom,  
Ka hin leh vak bat chu,  
Lautha'n ei panpih henla,  
Amunli'n din ing ka," ana ti hiel hi.*

Good Friday kiti hi bangzieka pha kiti khel khel ahi die? Zie ni hih nidang sanga a lul zawkna bang ahi

die? A dakkal, a second leh aminute kizah tho ngal a? Zieziekchun, Good Friday hin nangah umzie a nei ta'm? Nang dingin zie ni hih alul diekna leh aphatchuomna namudawk ta leh? Ni chenghi kibanga nangaih mai chun, nathagau lam mit chuh a vakhawih zolo deuh himaithei ahi. Lalpa'n nang ading bika lultaka a guon himaithei ahi.

•••



Rev. K.Siemlien  
Mission Director, ESC

**C**hristian te I hamphatnau leh Ichanhuh lopi mahmahan chuh, I ginchak uh Krista hih, thihnan atukzawh guol-lohin, than apat athokit tai. Sakhuo dangah mithi thokit muhding hetchet aumpuoi. Ahinla Isu Krista hih migilote dinga hungthi'n, aluong lading tasamloin, thaugimlim nuhin auma, patngat puona tuom ahi. Chun kuomah kisiel ngeiloh na-ah Joseph than thakah sielin auma, nthum (3) nin galzoin thihna-apat athokit tai. Muslim te leh Kristien gindan kalh, thohkitna gingchalo te, chun Judente leh Rome sepaihte'n le a thokit puoi timahleu, Krista hih athawkkit melmu tute leh a-aw

zatute'n athohkit thu agenlanguh ahi. Mari Magdalini hin, "ka Lalpa kamutai" tin anaphuonga; chun Emau lampia khuolzinte khanle anaphuong zakuh ahi. Nangin thokit Lalpa namukhata? Kamuchien keihi tia dawngthei mitampi umdingin ginckak aumhi. Hitihin vaken hitiu. Isu guola, athih naa thia, athawkkit naa thokit ngei dingin nakigingcha, naki hechien hi? Taksa thihna chang ngal, lopitaka thokit talo hihtheih ahi. Isu Kristan athuoka athia, thihnan tuzo loin than apat athokittai. Ziek chun Isu gingcha taktakte adingin, Amah zieka thuoka, thihna tieng hile thilhaksa hilo ding ahi.

## 2. JOINT SEMINAR REPORT

: Khanglai Hotu te chauh dinga guonggalh himah leh nupi-upa, nungak-tangval mi 60 lam hiel zie Seminar ahin ahung tel ui. Vaihawm dingdan, Hotute Quality dingleh, vision nei leh kipum piek Hotu hih ding dan, chuleh sum leh pai bangti muh a bangti mat ding tih leh, Sapchuom sung mai hilo a, mimal mat ngal theih ding ngen a lem hetak a Hotu te'n ei sinsak ziek un thatnawp a um thei mah mah hi. Chuleh Pu. Thangkhoson, Synod Library Committee Secretary pa le chiel a hih banga tawmngai taka paper ei hung laksak ziek inle achung ah kipah thu I gen ui. Mihingte hi Eden huon a pat thu awihloh zieka nasem dinga nawh dawk ihih dan uleh, kuhkal leh gunchuh taka, nasep him him seputtin ding ahih dan te agen hi. Asuonte hiti tienga gimtheih hun thuok ding ahih ana heu henla Evi & Adam hinle Eden huon ah thu ana ngai mai leu tih gel dawk thak thakna aum hiel hi.

Resource Person te ziek in Pathien lopi na chang hen. Ahung khawm mipy te'n that nawp um leh pawimawh asak na thu zak ahi, mi tamzaw tel theih nading in seminar kibawl kit leh tih ngaih dan het ahi. Resource person te Pathien in amau puizel tau hen.

## 3. JOINT ASSEMBLY

REPORT : Niak 3:30-4:30 pm sungin CKKP leh Biel tin a Standing Committee te Joint Assembly neih ahi. Zie ahin Thagau lam a mai hilo in, kimel hetna leh vaihawm khawm anawp dante muhdawk ahih ziek in neih kit kit ding in phasak ahi.

Chuleh KKP Khawmpy kumnih hal chenga kimang sek kha 2016 a mat loha, KKP 60<sup>th</sup> Anniversary hi Diamond Jubilee amat ding phasak ahih dungzui in, Upa Kaikhomang, Chairman Tuilangkuol in Zie Diamond Jubilee hi Tuilangkuol phaijanga mat ding a netg na abawl bangin Miss. Hatbawi secy. Finance Phaibiel KKP, D/o Pu. Henkholien Gangte, Chief of Phaijang ngei inle a khuou a khawmpy kawih ahih chun khawmpy te nekding Anchang tuok dinga kiphal taka ahun gen ziek in, kipah um akisa a, anget bang un Diamond Jubilee chu Phaijang a um ding a pha sak ahitai.

Chuleh, Khanglai ten sum leh pai haksatna a tuok lai tak a, Fellowship chieh na dinga Gari hun tuokte Pu Thienlaljoy Gangte leh Pu. Lalkhosiem, New Lambulane te chung ale kipah thu I gen ui. Khawtuol sapchuom leh KKP te'n bangkim feltaka guongtup a eina zintun ziek unle amau ziek in Pathien lopina chang hen. Khawkieng khawkim leh khawtuol nupi upa, thanuom taka, seminar leh kikhawpna a hung tel sek te kawm ale Biel pumpi thusang in CKKP te'n kipah thu kahun gen ui. Kipah um diek khat chuh Nk. Sangthiem Gangte, Gospel Artist in tawmngaih hun suoh a, la hawihthak ei hung sak sak ziekin amah ziek in le Pathien lopina chang hen, Pathien in a ma pui zel hen. Chuleh Pu Thangbawi Gangte MCS inle Fellowship ngai khawk a Tamenglong apat ahun delha, ahungtel theih ziekin achungah kipahthu igen ui. Sukkhelh bawlkhelh aum leh kingai dan hiting un, muntin a Kristien Khanglaite malam zuon zel hitiu.

Ka kipak hi. *Secretary CKKP  
Evangelical Synod Church*

## ATHI KAH, ATHOKIT TAI

## *Chamna Aw*

Hukdamna kawt aki hawng tai Kalvari tangah, lungngai liengvai mun neilo din; nuom taka ilen na ding un, Asiem zotai van Lal In chu. Panpih ngai, liengvai chagahte di'n mun asiem zotai Kalvari ah Anuom cheng in suong kul a pawt san mai theih uh ei tai ti'n Kalvari Notice athak in ahung kihawm kit ahi, lungsiet tak in uleh nau tu kum Good Friday hi bangzah vei na mat na ahita'm? Na Insung ah, sapchuom

sung ah, Good Friday bang ahih le henai lo a um kha palh dem? Gel phai tiu. Khawvel ah milien taktak gam leh nam din ana thi mah leu, gitloh suok apat I zalen theih na ding aum puoi. Isu Krista Kros tihloh chuh, Thagaulam vangsakna I dawn chiet theih nading leh suok a pata I zalen theih na ding in Lalpa'n athu tawm chah I zik dawkte vangsak ta hen.

**Good Friday Chibai.**

•••

## **BIEL KKP STANDING COMMITTEE & CKKP JOINT FELLOWSHIP REPORT NA**

Amun : Santing L, Henglep Sub-Division.  
Ani : March 15, 2015 (Sunday)  
Thupi : Na tha hat lai in chieh in, (Judge 6:14)  
Speakers : 1. Evan. Paukhomang B.D., Secy. CKKP.  
2. Rev. K.Siemlien B.D., Director M&E ESC.

### **Resource Persons :**

1. Pu. S. Thienlaljoy Gangte, MCS SDO/BDO Churachandpur.  
Topic : *Financial Management*.
2. Pu. Thangkhoson Gangte, I/C IGNOU, Churachandpur College.  
Topic : *Work Programme*.
3. Pu. Thangminlun Gangte, Senior Tax Asst. Excise & Custom.  
Topic : *General Administration*.

1. JOINT FELLOWSHIP REPORT : Vaihawmte 6:14 na a Pathien in Israel te Mediante khut apat hukdawk dinga Gideon sapna banga, Khanglai te leh Nu le Pa te le Lalpan eisam ahi. Pathien sapna I dawn vak loh uchun I gam leh nam Insung inle thuok ding I hiu tih sermon abawl ua, a nuom thei mah mah hi. Chuleh Pathien in asap ngam loh asap nawp loh ziezah laka, ei te Lalpa'n khanglai a nasem dinga CKKP & Biel Standing Committee dinga sapa um te hi mi vangpha ihih dan teu agen ua mi a cho mah mah ui.

## *Chamna Aw*

Thokit Krista I muh chetnau zie guol hin ki enchien leuhing:

1. Thokit Krista kamuh masang sangin kahangsan zaw nam?  
Gingtawilawk Lalpa taihsan sek kahim?

2. Thawkna tello in Lallukhuk changpuoi tinguh, Thawkna hih Kristien te'n I pumpelh ngeiloh dinguh ahi. Krista min ziekin chān nanei ta?

3. Mipha tenle, midangte phatna ding deihsak nazieka thuok ngam ngai ahih dan hetding ahi.  
Bang nathuok ngei tam?

➤ Meithai chagah, panpih ding neilo te enkawlin panpih dingte napanpih dem?

➤ Piendana guolphalote tawtbawl naa matlohding, namang sekem?

➤ Mi-inchen, neihleh lama tasamte musita nuoisieh taka holohding, na hosek em?

➤ Nang phasak dantieng chauh tunga, tangden na him?

➤ Nangmai kithawlna lampia Krista nungzui/Pathien nasem, na him?

Thokit Krista hin kuomah khenchuom aneipuoha, alungsietdan akibangveka, kuomah hetphakloh daikilkala-um,

Mari Magdalini, athawhkitnathu genmasa dingin, asit/ ahawmthawh puoha, ei-un vang, sapchuom nasemu dingin deihchuom bik deuh inei sek uh ahi die aw!!

Sinsak 12 te chauh thawhkitnathu gen ahipuouhi tih Bible apat ihethui ui. Chanchinpha gen dingin Lalpa'n amah hehpiha , athupiek zuia, ana sem nuomte adeih ahi . Migilo kisika amahbeltute anasemdinga mangnuoming ahihziekin, anungzuia, nichenga Kross kiputa, angaihdam na/ahukdamna chanchinphathu ahenailote kienga gensawntu hi dingin kingaihtuohin panthak laitiu.

Thokit Krista, galzopa hih ngaihdamna, lungsietna hau; tinglo, taklote anasemdinga manga, agalzawhna, alopina phuonga, gensiet, muhsit, engbawlna lakale malama chiehzel dingin thahatna, hansannathak Lalpa'n eipiechiet taken.

**Dr. Sam T.Kamaleson .....**Kristien thadah itam talouo a, Sapchuom khanlet nading adep hi/adal hi.

**Corie Tenboom .....**Mitduk te'n nang ahun muhtheih nau chuh hehpihna lunggil leh nanasep ah ahi.

## CROSS A ISU VEILAM A THIPA TESTIMONY

(Luke 23: 39-43)

-Mangkuo Gangte  
Bunglawn

Migilo leh suom mang, Isu Krista veilam a, kikhen den pa khah dawtna kibawl henla, “Ahihleh Unaupa, bang ti dan a nang hih, gawtmun a valut kha nahim”? na ki khetden pih pa, nalawipa (Isu changlam a kikhenden pa) khala Paradise ah a um tai, akiti a, migilo chiet chiet, bang atia nang gawtmun a lut a, vangam kailo thei nahim? Ti’n kidawng le chuh anuoi a bang hin, ei dawng ina tih gin chak aum hi.

Unaute nei thudawt uhhh dawt dinga kilawm tak chuh ahia, mahleh hun dawn dingle zahchak umtak hia kahet ziek in, thatlawp um in kagel hiel puoi. Ahinla nahun dawt ngal uleh dawnloh hiel chule thil kilawm hikit puon tin, meikuong nasa tak thuok zing pum in, chawmkim cha’n hun gen mai ing ka. Kaki ngaihtuoh tuoh leh kei hih khawvel a mihing pieng cheng laka, avangpha pente tih theih tawmchah umsun te lak a khat hi’n kaki ngaihtuoh hi. Aziek chuh Isu kha tawh nai cha a um khawm kahih na ziek in. Tua zie tak a, meikuong lak a, ka umpih te laka atam pen te hih Isu amuhloh chauh ule hilo in, achanchin him him hile khatvei cha za khalo, kuoma’n a kawm ua, gawtmun leh vangam thule ahilh khak loh ngen te’u ahi.

Kei vang Hukdampa Isu tawh naicha a, kiho pha thei dinga um khawm kha kahi a, cross a, athih ni a, migilo nih kikhenden te laka aveilam a pa kha kahi.

Isu khenden tu Judeate hotute leh, Thiempu lien ten, “Nang pathien mi tel, khrista nahih leh, nang leh nang kihukdam inla, Juda te leng nahih leh kross apat hung kum in, khutileh hun gingcha ding kahiu” ti’n ahun engho ek ek tau hi. Kross a kikheden anat dan chulah agen ngaihna umlo ahi mai hi. Chun ahotute’n Isu a hona’u behlap in kenle, Isu kawm ah, “Krista nahih leh nang le nang kihukdam inla, kei utenih hile ei hukdam un, gimtheih umtaluo hilo ahim? Ti’n kahun ngen lai zang kit tai. Ahinla Isu’n kanget

2012 Good Friday nin Philippine Kristiente Isu thawkpih na’n mi 20 Kross ah aki khen den ui, mak kasak chuh Bible ka en a khuti tienga Krista ading a thawkna chuh Isu’n eiphus na Bible chang, kamu puoi. Zie chu hilo in, Amah kikhet den kha sen ding in ei phut ahi zawi. Mikhat ziek gitlo micheng cheng chunga tunga, gitlohnan henkawl ei buh hi. Mi cheng cheng thakhel a khat thihna vanga mi cheng cheng suol apat zalen na atun chuh kipah umtak ahi. Zie mi khat kigen te nih hi kuo leh kuo ahi ta leh !! I hin khuo a Adam hihna (*Nature*) leh Krista hihna (*Christ Nature*) kisuol suol sek hi, hawi zaw na panpih die? Gitlo apat zalen na nawp leh Krista na panpih angai a, Krista apat zalen na ut leh Setan/Adam na panpih ngai ahi. Deih tel in.

Abraham Lincoln in suok zalen sak na ding suoi akaih ziek in April 14, 1965 in thah in aum hi. Mahleh suok tampi kipak a kiko in khuong tawh lâm kawm in lamlien azui ui. Mahleh khaw helo pawl khat chun bangthu atam tia adawt uleh, Ah!! Bang mah thu zalo u mawh ?? I President un suok zalen na thu apie ta a tu ahi, suok in apat hung pawta kipak a lamlien zui kahi tau hi, hung un nang ule ti a a chiel lai un mi khenkhat suok pawt ngamlao tamtak a um nalai ui. Mikhat pa hile,

kei chuh kapu agilo taluo’n chieh ka ting va kingen phawt ka, akhu tihlochun lauh um ahi ati a. kingen dingachieh leh, Apu lungkham taka, ka suokpan ei nutsieh ahi tai tia bang mah tih zie helo pa chuh, Asuokpa inlam zuon a hung chuh avak muh leh akipak beka, atun tun in zie haw, zie haw khuh nasep ding ti’n akawk khum a, suok a tangkit chuh ahi zel mai tai. Zie ziek chun Kross a thihna ngei in Kristan suol apat ei zalen sak na hih mang thiem hitiu. Khuti a chuh suok nam kawla tangkit talo ding in Krista ah ki piei tiu. America President in suok thah dawk nading thu pass abawl lam ana helo te din, suok thah dawk ahihtak ziekakipaka lamlien zui haw’n, hung in atih akha ava pan zieng ngai ahi. Good Friday bang zah vei I mat nau ahi tâm? Zalen na dak git he zing pum a suongkul ngak ihih chun mi vangsie tawp hi ding ihi.

Baraba tuolthat case a suongkul ngakpa, gamvai pawpan thah dawk phalna apiek khan jaila nasemte va chieh in kawt chabi ahek hawnga, hungpawt ah zalen na hitai atih khan, bangziek a kei tuolthat khuti thei ding kahi a mawh, bang thu a? bangti dan a? tia a khuol khuol (*Inquiry*) ngai lo ahi. Amit muh ngeia suongkul chabi ki hek hawng ta a, hung pawt ah tih thupiek azak khan – hung pawt leh himai ahi.

hukdama, vaihawmtu ahih ziekin ziekawvel gitloh thihna apat eihukdamin, ahukdamna asubuting ta ahi. Hun chiehsa ah, tuhun leh, hun hungtung zel ale eihukdam ding ahi. Numei khatin, Archbishop

William Temple dawtna a dawng a, "Hukdam nahita?" atih leh Nui kawmin ahun dawnga, Hukdam kahi taa, Hukdam laizing kahia, Hukdam hizel ding kahih kahechien hi, ti'n kipak takin adawng hi. Nang la?

•••



## KA ZALENNNA KROSS

Evan. Paukhomang Gange  
Secretary, CKKP, ESC.

**"Khutichun, khat sukkhelh ziekin, mawhchansakna vaihawmna chuh mi chengcheng chungah a hung um a; khutibang mah chun, khat diktat ziekin, hinna muh na'n, thiem chansakna thil thawnpiek chuh mi chengcheng chungah a hung um tai". (Rom 5:18-19)**

Mikhat zieka gitloh vannuoi a lut hi, khat ziek mah in thiem chan sakna le muh kit theih ahi tih hi Bible gen ahi. Micheng cheng agitloh ziek ua thih chuh Setan Theory ahia, Amah vang mi dik khat thawk vanga mi chengcheng thiem chansakna chuh Pathien Theory ahi.

Chuleh Isu Krista thihnan eimau chiet ah akilat (*Effective*) man migilo thihna Krosss chuh asuk lamdang angai hi. Carthegeonian (*Babulon*) teleh Rome ten Krosss a mi khet den hi ahiah san tau hi. Aziek chuh gitlohma bei khat akhet den niu apat in khawvel thusim adin lamdan na khat atun hi. British ten migilo chuh akhai lup thawh ui. Isu'n atup chuh bangti a migilo te thah ding

(Execute) ahim tih hilo in bangti hukdawk (*Save*) ding ahim tih agel thupi pen ahi. Date 24<sup>th</sup> February, 2015 nin Tamil Nadu ah A.I.D.M.K. Member khat, Tamil Nadu Chief Minister Nekguk zieka pah thak a um Jayalalitha'n CM atuk kit theih nadin Krosss ah minute gup (6) zawtpi inch. 6 a kikilh in aki khen den hi. Isu'n khuti a Krosss a thawk pih ding mi chu ahawl kha puoi. Kipum piekna sangpen a agel le himai thei ahi, hinla minute 6 Krosss chunga aum lai in, In-akiling puo a, thimpi azing puoi, CM nu gitloh zieka kikhen ahih lele, a case ngaihtuoh hita puon tin, bang tieng in Krosss a aki khet na hin gah pha asuoh em ana en hitiu. Chun,

na chuh kamkhat in le ei dawng ta puoi. Khawvel a, aum lai a, thilpha bawl a, gimtheite panpih ngaite panpih pa hi a, bangti dan a kathil nget hih hun dawnglo ahi die aw, tih kangaih tuoh leh ki suonlah um le kahun sathim tai.

Zie laitak chun, kaki khetden pih pa'n ka thugen chuh, ahun dawng zaw ta a, "Bang ziek a khetden a um nahim tih kihet in, Pathien lauhna change helo nahi maw ? eite nih hih igitloh zieka khetden a um ihi a, gawt taak himle ihi. Ithil hihkhielh man mu ihi; chuleh zie pa hin (Isu hin) chuh bangmah hihkhielh neilo ahi" ti'n awihmawh tawh sim mawh eihun thuoh tai, zie phet chun ka thil nget chuh thil zahchak um tak inle kahun gel tai.

Isu'n leichung a, aum lai a, "Taksa that thei te lau ki'u inla, thih nunga taksa leh thagau anih a gawtmun a pahlut thei pa Pathien lau zaw'u un" (Matt: 10:28) a ana gen bang khuh ngaihtuoh khalo ka hi a, ka thil nget chuh amun leh ahun tawh kituok lo chuh kasa tun tun mai tai. Taksa hukdamna deih ziek a, thagau kumkuo hukdamna pawimawh pen ngen khalo kahi ta mai hi. Chuleh zie taka ka kawm a, meikuong laka simsen loh te hile adamlai ua, Pathien tello a, taksa

nawpsak na ding, letding, lal ding leh pil ding, thiem ding leh hauhsak ding chauh ngaihtuoh a, thihnunga vaihawmna leh gawtmun um ding thu mawng mawng ngaihtuoh utlo te ngen ahiu hi. Akhawk hi tih khel gen ding umlo chuh ahi mai tai.

Chuleh ka hih khielh na ban ah, kahih khielh sawn kit khat chuh, ka ki khetden pih pa, ka lawipa'n Isu kawmah, "Lalpa nagam natun phat leh ei hun hezing in aw" atih leh Isu'n, "Tuni'n ka kawm ah paradise ah chawldam tan" tia agen chuh kazak phet in, Lalpa kei le na kawm a, paradise a um ka ut hi, na kawm a ka thil nget chuh angen khiel kahi tai, ei ngaidam in Lalpa, ti thei ta mai leng chuh, ei ngaidam nuom mah mah ina tih ka gingchai. Ahinla khutia gen na chang chuh, helo in bawlkiel kei chuh kahi tai. Hukdampa tawh ki naih cha a, um zing hingal in, tun chuh kumsawt a dinga ki gamla chuh kahi mai tau hi.

Khawvel a dam nalai te kawma kahun thu vaithak nuom chuh, achunglam a kagen Matt: 10:28 na khuh ahi mai hi. "Taksa that thei te sanga taksa leh thagau anih a gawtmun a gawt theipa hih lauh ding ahi zawi, tih hih kahun thu vai thak nawp pen chuh ahi. Chuleh Isu tawh kinai cha a um khak man a, hukdam

## *Chamna Aw*

a umding ihi puo a, ei hukdam in, tia isap tieng chauh leh ei hukdam chauh ding ahi tih hih phatak in hun he chiet un.

Chun, mitamtak te biek-in kai kai zieng, thawhlawm le pie pie zieng, Bible le achang chang leh sim zel tho, ahih vang a, Isu kawma, Migilo kahi Lalpa, ei ngaidam in tikha ngeilo te chuh, bangmah tik in, Isu kawm tung thei ngei lo ding ahiu. Vangam leh gawtmun hih chiemnuih na mai mai ahi puo a, a um tak tak ahi. Tuhin na masang u

ah lampi nih aum a, khawi zawk na tel ding uh ahim? Deihtelna chuh, nang mah khut ah aum a, zie ziek chun Isu kawm tun theihna lampi “Lalpa migilo kahi, ei ngaidam in” hunti thei chiet guo tau in, tih hih kahun vaithak na lienpen ahi mai tai. Gennawp tamtak kanei nalai a, mahleh ka umna Sheol meikuong hih asa taluo a, ka dang ahul zo a, zie ziek chun chan hih hiphawt mai ta hen, ti’n eihun dawng tei ina tih ginchak umtak ahi.

*Simtu cheng Lalpa’n ei malsawm tau hen.*

•••



## **HUKDAMNA TING KHAMA GITLOH LUNGHEINA**

*-Rev. Thangkhoesiem  
Executive Director, ESC*

**“Pathien lunglam banga lungkhamna chun,hukdaamna dingin.  
kisikna lungheina chuh a siem zawsek hi” II.Kor. 7:10.**

Hukdama um ding in bang a hih ding? Zie dawtna dawnna ding hin, mi tamzawte dawnna chuh “GINNA CHAUH IN” tih ahisek hi. Ginna ahih dan chu adikna muh theihna ding tamtak le muh ding aum hi. Hukdamna dinga ginna bukim ahun um theihna dingin Gitloh haihsanna diktak aum phawt angai hi tih chu adiklohma um puona. Ginna leh gitloh hapata lungheina chu apawimawh ahih dan muhin aum hi.(Mark. 1:15, Nasepte 20:21).

Thomas Watson in Gitloh lungheina Thugin “Doctrine of Repentance” thu agenna a chun hiti hin agen hi.

## *Chamna Aw*

Pathien chauha kingaka, mihiema kingak lohding ahi.

United States a Hotel lientak khat mei-in akaa, mi 100 athiu hi. Hotel apat gamla lo cha achun kangmei (fire station) phelhte umna leh anasemte aum ua, kangmeiphelh gari lien amun ahung tunga, nasep apan ua, avan matchak uchuh aladawk ua, mattheih ahi tapuoh a. A kaltohna (ladder) chuh asawng chungnunglam atung pha puoha, theihtawp suohaasuksau guot vang un atung thei diek lo ahi. Mihieme theihtawp suohna hin, phak chin aneia, Pathien thil hihtheihna’n vang huop phakloh, tun phak lohna anei puoha, ahukdam nuoma, ahukdam theivek ahi. Than khel lam ei tuna, eihukdam theidang aum puoha, vannuoi minsak lak ah, gitlohma, thagau mangthaite dingin Pathien chauh ahi, hukdamna bukim nei.

**Pathien, Leng ahi (Sam 98:5-7):-**  
**Pengkun tawh pengkun binei gi tawh, Lalpente Lalpen ma-ang achun lawptakin kiko un** (v 6). Pathien hukdamna lopi hih Lengte Leng ahih etsakna ahi a, zie Leng chuh hukdampa ahi.

Numei khat agitlohma thua Pathien thienthona manga holimpip ahih nungin, a gitlohma kihedawk in,

ahung kisika, tihin ahun gen hi. “Ka gitlohma zieka, kathagau leh Pathien kala ei gensaktu ding kamamawh namaizen e” ahun tia. Zie lai chun Isu Krista’n Palai na ahung sep thu, chun amite agitlohnau apata hukdawk ding thu aza a, zie ngei chuh keiadings, ka hukdampa leh Lal ahi ti’n kipak takin akiko dawk hi.

Hukdampa ding chauh hilo, Lal leh I hinnaua thuneitu ahih ding ahi. I hinkhuo pumpiama’neiha, athu thua I um dinguh ahi. Gitlohma lak apat eihukdam inla, kei deihdan dan in khawsa’ngka tihlohding ahi. I hinkhuoua Lal leh thuneitu dinga I neih tienguleh amah pahchaknaa kipahna la I sak dinguh ahi.

**Vaihawmtu Pathien (Sam 98:8-9):-**  
Amah hih Hukdamtu Pathien, Lal leh thunei chauh hilo, vaihawmtu le hiding ahi. Lal ahia, khawvelin avaihawmna ahelo ahi. Khawvel leh asunga mihieme vahawmsaktu ding ahi. Vaihawmna ah thiemsansak intin, thiemslohsansak dingle ahi. Zie thiemsansakna hih, gitloh kisik, ginnaa amah pawmte adinga ‘hukdampa’ ahi.

Pathien hukdamna nasep hih Leng leh vaihawmtu ahihna hin azuia, migilote thiemsansak, gitloh thil hihtheihna lak apat ei

## Chamna Aw

limzik thiem khat in Linglukhuk Isu'n akhukna lim khuh, Krista galzawhna'n a zik hi. Isu Krista hih Kross lek ah zahhuoi tako khaihkang ahi. Linglukhuk a khuknaa thisan pawt chun van lopi na vak ahun sulang hi. Achung achun angelte'n zawhna la lopi asaua, pengkun gi tawh, ziechun gitlohma leh thim thilhiehina chuh guollah takin thimlak ah anawhmanga, azotai. Kross chunga Isu'n "zawh eitai" atih hih melma galhat azawhna phuonlatna ahi.

Kross chungah Krista'n gitlohma azo taa, ..... gitloh lakmangna dingin, amah mawng kithawihna dinga hung hung kipie'n, khatvei hungkilak ahitai (Heb.9:26) Zawhna'n thihna avalh zotai..... Aw thihna nagu chuh khawiah aum ta? Aw than na zawhna chuh khawia um ahi ta? (I Kor. 15:54-55). Krista chun lalna leh thuneihnate chuh hawktha'n, zie Kross achun..... zo in, zawhna chuh tangphuong takin aetsak taa (Kol. 2:15).

**Sukthienthona/Thiemchansakna:-** Pathien thiemchansakna, sukthienthona chun gitlohma mawh achansaka, thiemloh chang chuh, thiem achansak ta ahi. O.T. ah Pathien nasep chun Pathien leh mihiemte kal a siemtuok kit hi.

Gilote thiem eichansak ziekin, amah diktatna etsakna dingin, mihiemte gitlohma chung ah thu aneitai. Zie guol chun, Pathien in adiktatna etsak in, Isu taksang taphawtte chuh thiemchanna apie tai. (Rom 3:26). Pathien in thiem eichansak danhiih, gilo khalo hiel guola ei sukthien, thiem ei chansak ahi.

Mi khat, Court in diklo taka ngawhna siem in, thiemloh achansaka, avainungin adik hi tih ahun hedawk ua, Jail apatpawt dingin thu apieua, anuom puoha, ama'n Court in ka chungthu agen kitding, kathiem thu aphioulat ding ahi ti'n angak ahi. Pathien in eingaihdam mai hilo, gilokhangelohiel guola eisukthien, thiem eichansak ahi.

**Hukdamna umzie (Sam 98:1):-** H u k d a m n a h i h P a t h i e n thilhiehina'n asepdawk ahi. .... akhut changlam leh a ban thiengtho chun hukdamna asiemsak ta a. Khut te nih ahinle, changlam khut hih a det leh ahat zaw ahi. Zie hin Pathien khut thahat leh mihiemte hinkhuoa alunglutna asulang hi. Pathien, amah mai galzotu, galhat ahi. Zawhna dingin mihiemte kithuohpih/panpih angai puoi (Isai 63:5). Pathien khut changlam hih amite hukdamna thua kigen langsek ahi. Hukdamna dingin

## Chamna Aw

1. **Gitlohma hetchienna.**
2. **Gitloh kisikna diktak.**
3. **Gitloh ngaihdam ngetna.**
4. **Gitloh zahchakpihna.**
5. **Gitloh hawtna/kidakna.**
6. **Gitlohlakakipata kikawihchuomna.**

Charles Finney chun" Mi gilo gitlohma haihsana dinga thil hetding pawimawhtak chuh,Bangmahlo. Titian neilo hihna kihetchienna apawimawh ahi.Mitamtakte chun mi gilo ahihna chu apawmthawh maia,zie nung chun agitlohma chu angaihtuoh zui puoa, pha kisa sa a poiengthak aum sek hi.Gitloh haihsana/suol simna kiti chuh,Pathien masanga gitlohma cheng cheng tawh kipumpiekna ahi. Pathien vahawmna cheng cheng hi adikin apawmtak vek ahi tih pawmna leh,Pathien thuneihna nuoia kipiek lutna chu ahi.

### Thugentu minthang Charles Spurgeon chun,

1. "Ka hinkhuo hi miten sut uhenla hileh, Kei mah ahin gilohna huoisiet tak vangtang muh ahet aneih uh ka gingcha puoi.Mamhleh kei leh kei ka kienchiena,Pathien mitmuuin thil ka sukhieh nasa mah mah in ka kihei.Mahleh, khangdawng mi bum ching ahim,ginumlo leh diktatlo chu ka hi puoiAhinla, Dan chun migilo kahih ei hetsak hi.Rome 3:20. Dan mang mah chun gitlohma chu ahihna diktak ei hetdawksak hi.Rome 5:13. Gitlohma chu gitloh ahihna bangin ka hea,gitloh huoisiet dan ka mudawk

hi. Tin agen hi.Khutibang thil chuh Spurgon hinkhuo a aum lai chun, Pathien lopi dan leh gitloh huoisiet zie leh gitloh lauhuim dan amu a, gitlohma chu taisan loh theihlohin ahum mu chien hi.

2. Gitloh haihsanna dinga thil hetding pawimawhtak chuh,Bangmahlo. Titian neilo hihna kihetchienna apawimawh ahi.Mitamtakte chun mi gilo ahihna chu apawmthawh maia,zie nung chun agitlohma chu angaihtuoh zui puoa, pha kisa sa a poiengthak aum sek hi.Gitloh haihsana/suol simna kiti chuh,Pathien masanga gitlohma cheng cheng tawh kipumpiekna ahi. Pathien vahawmna cheng cheng hi adikin apawmtak vek ahi tih pawmna leh,Pathien thuneihna nuoia kipiek lutna chu ahi.

D.L.Moody chun, amah hun laia angaihkhawk mah mah chuh,gitloh kihetchienna leh gitloh haihsana Pathien pawm chuh ahi.Mi kuonle sunggil akipata gitloh kihetna diktak aneihloh chun gitloh haihsanna diktak nei theilo tihna ahi zelhi.Gitloh huoisiet dan hechienlote chuh gitloh lamah akilehkit sek hi.Mi kuole Kristien kiti a agitlohma huoisiet dan ahetchienloh chun,Kristien minpu mai mai ahia agahsuoh thei puoi. Gitloh haihsanna diktak mihing ahun piendawk theihna dingin anuoiate hi a pawimawh ahi.

- \* **Pathien lunglam banga lunghamna.**
- \* **Lungheina zieka hukdamna.**
- \* **Hukdamna chu kisik umlo thil ahi.**

Aw Israel insung mite haw,mitin aumdan bang zeal na chung ua vaihawm ding ka hi,Lalpa Pathien chun atii.Lunghei unla,na bawhsietnateu cheng cheng chuh haihsan un;phatlohma chu na siet lawh lohma dingun.Bawhsietna na na hihsa chengcheng uchuh paimangvek unla,lunggil thak leh ngaihtuohna thak nei un:Ezk 18:30-31.

#### **Ezekiel lehkhabu akipata zildawk theih haw chuh**

**1. Suol simna or gitloh kiphuonna**  
kiti chug it hiikit talo ding a haihsan ahi. Tulai in mitamzawte chuh agitlohma kiphuong a haihsanna tello, gitloha hing kitzel hukdam hia kingai tamtak aum hi.Zie haw a ding chun Gitloh kiphuonna gitloh haihsanna tello ahih ziekin kietchien thak a pawiomawh hi.Charles Finney chun” Mi kuole suol simna diktak neite chun, gitlohma hi tenum paihmang kei ding chi ahi tih ahet thawh chauh hilo,ahinkhuo akipat apaihdawka,alunggil thukpen akipat git hawtmna anei hi” tin agen hi.

**2. Suol simna or kiphuona diktak**  
chuh,gitlohma cherng cheng akipata

kikiengkawih tihna ahi.Thomas Watson chun “Suol simna diktak a chuh gitlna kawm a gitlohma haihsanna dinga hun lemchang kitit aum thei puoa,Gitlohma tawh kitimatna neih him him chu alemchang talo ahi “ tin agen hi. Charles Finney chun “Gitlohma neucha khat hi lele I kawl chun, Pathien in ei pawm theilo ahia.Na gitlohma cheng cheng chu athihvek ding ahia, ahihloch chun nang na thih ding ahi “ tin agen hi.

Zie thu haw akipat hin ei mau hinna lerh pienthakna enchien kit hi ting uh, Gitloh haihsan na panglo, gitloh hawtna panglo pienthakna nei kha I hiu em?Lal Isu hukdampa a neite ding chun gitroh haihsanna, gitloh hawtna chu aum tei ahihdan muh ahia, ei mau a zie haw hi atakin atungna, hetchien I nein au em.Gitloh kihetchienna umlo, gitloh haihsan diktak umlo;gitloh hawtna umloa gingtu I hiu em?Hukdamna channunga gitloh gitloh a muchuomlo,gitloh nawpsakna nein a lai I hiu em? Nang hiunkhuo ah bang ytiengin Gitlohnan nasem zing nalai ahim, suokcha I hiu em.Hukdamna zieka A GITLOH AKIPATA ZALLENNNA DIKTAK CHANG DINGIN Lalpa’n ei deih chiet hi. Simtute Lalpa’n vangsak chiet taken.

## **HUKDAMTU PATHIEN**

(Sam 98:1-9)

Rev. K. Siemlien  
Mission Director, ESC

Sam lehkhabu hih melma apat galzawhna leh azawhsakpa, ahukdawkpa chunga kipahtu genna pahchakna labu ahi. Chun haksatna, buoina laka pata I suohchakna ziek ule ahi. Zie bung hih Messianic Sam tia het ana hii.

Kristien, hi kisa mahmah Pasal khatin midang/ginglo khat kawmah, Isu Krista chanchin hahpi’n agena; zie agennapa chun tihin a dawnga, “I gam ua dingin sakhuodang angaihbeh nalai dinga mawh? Sakhuo I nei tamtawk uh hilo ahim? En ta, sakhuo puitu, pathien mi, thilmak le bawl thei tampi I nei uhila! Ziea sakhuo chuoemchuoma puitu haw leh I thugin hawu hin ei puindik theihloha, eidawpkang zawhloh uluh sakhuodang khat laklut beh lengle bang aphachuom dem?” atihsan hi. Dik dingin ginckak aum hi. Tunia I mamawh pen uchuh sakhuo neihbeh, matchak chuoem chuom leh pathien mi, thilmak bawl thei hilo in, Hukdamtu ahi.

Etsakna’:- Mi khat tuiah akiea, panpihtu ngaiin akikoa, eihung panpihun, tummang ding kahitai, atia, bang I lawh ding u? Tuizapthiem dingdan kizikna lehkhabu hawihtak I pie dingu? Ngeihtaka kiko in I thamuon ding u? Tui kiek apat kiven dingdan leh

alauh-um dan haw, I kiek tienga umdingdan phataktak I genkhum dingum? Tuikie panpih ding chun akiepa vakaihdawk, hukdawk angai a, a hinna thihna apat hukdawk ding ahi. Zie tuikie hin, tuizapthiem zillai phataktak leh athu sangin, Hukdamtu apawimawh hi. Tunia pawimawh pen chuh thihna lampia umte hukdawka, hinna lampia puihi ahi.

Sam no. 98 hin agennuom chuh Hukdamtu Pathien ahi. A thupi diek nih chuh sukthienthona leh hukdamna ahi. Bible lehдан khenkhat ah hukdampa chauh hilo, leng leh vaihawmtu le ahi. Pathien-Hukdamtu, Leng- Vaihawmtu tia het leh genlat ahi.

#### **HUKDAMTU PATHIEN (SAM 98:1-5)**

##### **A Hukdam dan:-**

Pathien in a Hukdamna siem/ ahun puok hih melmapa zawhna (victory) tih ahi. Melmapa Setan leh thihna gal zawhna ahi. Belgium

Kristien gam kitia, Bible, Pathien thu hing hih, College, School a sinsakna na phaltak loh uh ahim? Katih leh, America hih sakhuo zalenna gam ahia. Bible hih kisinsak ding hitaleh, Muslim ten ‘Koran’, Hindu ten – ‘Gita’, ‘Veda’, hun sinsak ding ahii a. Zieziek achuh Bible hih kisinsak talo ahii. Himahleh zie hih Sapchuomte mawhpouokna a kawih ahii, ei tih khum ui. Sapgamma sapchuomte bangzieka nungtawlh a Biekin haw, hawm (*Empty*) ahim itih chun sapchuomte’n amau (*Denomination*) thugin leh sinsakna Pathien thuhing, Bible, atuchak a, ahetchetlo ziek uh ahii.

Chun, kum 1970 velkhan, WCC. World Christian Council zawp dingthu ahung um a. A thiltup chuh a phamah mah a. Himahleh a memberte, ei-uh Evangelicalte Thugin chiehpih tawh kituoklo, **Liberal (Bible hih Pathien hatkhum ahi puoi)**, **Modernism (Khawvel thu leh Pathien thu mekbelh)** ti chun, “*The Bible is not intended to mean anything you want to mean,*” Bible a Pathien thuhing hih nangmah phasak bangbangna na heiviel ding ahilo ahii. Unitarian (*Pathien khat chauh*) Zie hin eiuh pawmdan Trinitarian (*Pathien Mithum*) pawmlo te ahii a. Zieziek chun WCC hih zawp ahi ta puoi. Himahleh, India gama Evangelical Sapchuomte

Thugin kibanga kaikhawm dingin “Evangelical Fellowship of India” phuhdawkin aum a. Zietaka pan hunla leh ESC mina abul hunphut- Rev.Khaigin Gangte hih, EFI a Membet pitinga hun chiehpih ahia,ka chawimawi in Pathien kawmah kipakthu kagen hi. Rev. R.A. Cattermal, Missions Secretary apat Bishop (**ECC**) ahung chut in ‘Bishop’ na hih na bang ahim? tih ka dawt leh, Bishop hih ‘*Protector and Guardian of the Evangelical Truth*’ ati a. Ziechuh Evangelical Thutak humbit leh enkawl tihna ahii. Sapchuom niemkiek na hih Thugin leh asinsakna chiehpih loh hih ahii.

Sapchuom Department cheng hin zie Thugin leh a sinsak hih (*Evangelical Truth*) hechiena chiehpih leh sinsaka gen I hinau hi? Ken chuh ka gingcha puoi. **“Thugin tawh kituok thute chuh yawpsak theih leh dettaka tuchak mi ahii ding ahii”** (*Tita 1.9*). Zie hih keimah muhdan leh hetna ahia, kuomah gensietna ahi puoi. (*Article zikte’n amawh aki puok chiet ui*)

#### **Thupi kaihhawmna:-**

1. National Association of Evangelicals (USA)
2. Evangelical Congregational Church (USA)
3. Constitution of Evangelical Congregational Church of India (ECCI)

•••

## HALH IN THO UN **EDEN TAIKHUO AVAK!**



“*USA President hin bangzieka muhtheiha Islam panpih a, thudik kimuh mawhsaka, amit hak nuomlo ahim?*” Evangelist Franklin Graham in White House dawtna asiem hi.

Hapta chenga Libya leh Denmark gama huoisie tako Christian te sukgim theih leh thah a aumzing laitaka kihetloh sakin – White House in bang zieka Terrorism/Extremism thugen khawm dinka Summit ni 3 (kimuh khawmna) aguon ham ahim? ken kathuok zo puoi. Bangzieka thudik kihetmawh saka, Islam (*Extremism*) achuonga/avala tawi tih mai mai, action umlo tin dawtna asiem hi. White House in Christian 21 agawl uh attan a umte khah ‘Egypt mi Christian’ tih chauh in agen a, athudik hetpih loin. Athu dik tak chuh “Aigupta mi-dankalh, a (*Culture*) chawndan petsan a, Kross pu, nungzuite ahii ziek ua thah ahii hi”.

Zie thudik hih muzing ngala, bangzieka President hin kihetmawh saka, thudik lama amit hak nuomlo ahim? ti’n dawtna asiem hi. ISIS nasep na hih hunghat deuhdeuh intin Pathien thu’n agen “*Nikhat chuh tawpna hungtung intin, Setan leh alawite cheng zawhna ni hung tung ding ahi*”. Thil kichien

mah mah chuh, micheng cheng Pathien masanga kunding, leitin cheng le kiphuong ding, zie tieng chuleh “Krista Leng hintin, alopi zie chuh phuong tan au. ISIS te hin athiltup uh aphiuong ua, Egypt Christian 21 athah teu hih mangin, Kristian/Kross chate hih avau uh ahi. *“Islam sakhuo zuilo a cross chate nahih uleh ngai un, zie hi na chungua tung ding chuh ahi tin,”* vauna khauhtak, khawvel munchuom chuoma um Kristien te het dingin Video ah asuoh ui.

Ngaihtuoh tie Christian 21 gawl attan a umte guola hih Islam sakhuo zuite gawl at hileu bang tihl tung dingin na gingcha? White House in thiemloh achansak dem? Khawvela muslim leader ten thiemloh achan sak ding um?

Martyr 21 te ziekin lopina Pathien chang henla, zie thu hih mangin gingtute Pathien hehpih deuhdeuh thei dingin thagau in ei phawng halh henla, martyr ngam dingin hansanna ei pie chiet tahan! (*Zie thu hih “The Gospel Truth” Febbuary 17 2015 (Monday) Hyderabad Newspaper apata laksawn ahi. Christien te zieka chanchinpha achieh hat zel theih na dingin pauchampih zing hitiu.*) - Editor

•••

# MAYTYR! MAYTYR! MAYTYR!

**Muhsita um Egypt Christian tia huosie taka thaha um Bishoy Estafanos  
Kamel leh Samuel Estafonas Kamel te thua Beshir leh a nu'n ISIS te  
angaihdam mai uhih !!**



“Bible in, namelma lungsiet inla, ahun bawlsie te vangsa un” atti tin Beshir in asuohpih nih huosie taka thaha aum na chungah agen dawk hi.

ISIS te'n Egypt mi Christian 21 athah thuu hin khawvel pumpi athawng a; Zie guola huosie taka achate nih thaha aum thuu hih, amau hingtu nu hin bang tia ngai ding in na gingcha?? Unau nih Bishoy (25) leh Samuel (23) te nuhin lungnat kampau himhim asuoh puoha, aman agen a, “zie guola nachate nih that tute hih ki muhpih lehchin bang nalawh die? ISIS te kimuhpih leng, thu lopi tak kagen nuom hi. Amit uh sukvak sak ding in Pathien dawng ingka ting, ka in a anne dingin chiel ing ka ting, Krista’n kross leka ahinna apieka, migilote angaihdan thu hetsak ing ka”.

Zie thu hih achapa Beshir in **SAT7ARABIC** Interview abawlnau ah agen ahi.

❖ Beshir ISIS nasuohpih 2 thatte hih khawlai ah mu leh chin bang

tin na bawl dem?

**Ans:** - “Ka suohpih te nih hih Christian te lopina ahii a, kenle kakisuonpih mahmah a, ka luchang ei dawmsangtu ahii hi. ISIS te hin kanget sang ua thupi/ lopi zaw ei pieu a, Agin uh, amau hehpih mahmah Isu min sama akiko dawk nau/ aphiuondawk nau sumang lo a video a ei hetsak uhih, kamuh hin kaginna eisuhata, eithamuon a, kakipak hi. ISIS te chunga kakipahna mahmah chuh Isu Krista ataksan nathuu phuonga ngeih taka, kipaka akiko thawm uh hettheih ding a ahun suoh uhih ahi”.

Lungkham/lungnat malak in, khawsung mite leh aseh vel ah, kipak a, lam leh kiko thawm in adim hi, aziek chuh mitamtak in Krista zieka ahinnau achan tak ziek un !! Agin nau sukling malak in, sukdet leh sukhat ahi zawi. Roman vahawm na nuoi apat Christiante sukgimtheih leh thah ahiua, tuhin le ISIS te muhdah na kanei puoi” atti ahi. Tihin Beshir apaucham a, “Lalpa ISIS te lungthim ah thugen inla, amit uh sukvak sak in, nang ahun muh nawp loh nau leh akisinsak nau, thugin diklo apat ahung khanlawh theih na ding un”.

(*From the Gospel truth, 23<sup>rd</sup> February 2015, Hyderabad Newspaper apat laksawn ahi)*

•••

# EVANGELICAL

**Sutzawpna**



Rev.T.Paokholian

Chun, Evangelical sapchuom ihihna hetchet akulzie chuh - etsakna:- Khatvei south India lamah Conference in kava chieh a.

**Sharing** :- Kipawl/khawmna nei ding in a group in ahun khen ua, kei telna group (*Pawl*) a leaderpa chun, eimau chiet kigendawkna nei hitiu ahun tia. Midangte chuh :- Lutheran, Mar-Thom Church, Church of South India, Methodist leh Pentecostal ahii a. Kei chauh chuh Evangelical ka hia. Zie phet chun, ka Leader pau chun, Rev. Gangte, Evangelical na hih na saulo in hun gentie ei hun tia. Kenle Evangelical chun Bible, (*Thuhing*) hih dettaka zuiin a pawm ua, chun, Thagau thiengtho hetchetsakna banga tui leh Thagau a Pienthakna; Pathien mithum; Dispensation (*Pathien thudik, Diktaka khenna*); Kross a Krista thisana tatna, A mithienghote ladinga ahung kitding, gilote cheng setan tawh kumsawta gawtmun a umding, katih leh very interesting atia. (*Zie hin I thugin leh sinsakna akim puoh a, atangpi kagen ahi, akimzaw chuh hun lemchangah hun zikka*).

Khatvei chuh “VISITOR” ESC HQ. Sapchuom kithu zaktuohna ah, Theologian tam deuh deuh,

sapchuomte gawdeuh deuh tih ahung kizik a. Miten Theologante hitbang phet a ei kawih ahih uchun, bangziek ahi ta dem? Crusade, Bible Camp, Seminar haw ah banggen! Eimah lunglutna chiet gen hih miten a man phalo uh ahii. Akhawi abang hileh I hihna sapchuom Thugin leh Sinsakna hih bang ziek a genlo? I hetchetloh ziek hitei ding ahii.

America a Bible ka vazilna khah, ‘**Evangelical School of Theology**’ ahi a. Evangelical thugin leh sinsakna hih ahah gen pen ua, Sapchuom dang apat a hung kaite a dem puou a, achieh pih dan; Interpretation’ ‘*So, what is the difference*’ atti phet ui. Khatvei chuh, ‘Pro-Pastor’ bangtihna ahim? tia ka dawt leh athugen leh a hinkhuou- Evangelical thugin tawh akituok ahi nam? tih etchetna hun ahii (*Evangelical preaching and lead a holy life*). Ana enchiente chuh Local Church Committee Memberte chengin hetchet ding tihna ahii). Zie sapchuom Thugin hih eimau ah aum ahi na? Chun, khatvei mah hih ‘Bangzieka, America (USA)